

„ადგილობრივი ციფრული მიწისზედა სატელევიზიო ქსელების უზრუნველსაყოფად ადგილობრივი საეთერო ტელემაუწყებლებისათვის რადიოსიხშირული რესურსით სარგებლობის უფლების მინიჭების თაობაზე“ საქართველოს კომუნიკაციების ეროვნული კომისიის 2014 წლის 28 ნოემბრის №661/13 გადაწყვეტილებაში ცვლილების შეტანის შესახებ

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ საქართველოს მთავრობამ შეიმუშავა და საქართველოს პარლამენტმა დაამტკიცა ციფრულ მიწისზედა სატელევიზიო მაუწყებლობაზე გადასვლის სახელმწიფო პოლიტიკის ძირითადი მიმართულებები, რომლის საფუძველზეც შეიმუშავდა საქართველოს მთავრობის მიერ 2014 წლის 10 თებერვლის №206 განკარგულებით მოწონებული „ანალოგური მიწისზედა საეთერო ტელემაუწყებლობიდან ციფრულ მიწისზედა სატელევიზიო მაუწყებლობაზე გადასვლის სამოქმედო გეგმა და შესაბამისი რეკომენდაციები“. ხსენებული რეკომენდაციებით განისაზღვრა ადგილობრივი საეთერო მაუწყებლებისთვის ადგილობრივი ციფრული მიწისზედა სამაუწყებლო ქსელის/მულტიპლექსპლატფორმის ფორმირებისთვის საჭირო სიხშირული რესურსის მინიჭების საკითხები და ქსელების აგების ვადები.

„ელექტრონული კომუნიკაციების შესახებ“ საქართველოს კანონში ცვლილების შეტანის თაობაზე“ საქართველოს კანონით (ძალაში შევიდა 2014 წლის 27 თებერვალს, საერეგისტრაციო კოდი 320110000.05.001.017341), ციფრულ მიწისზედა სატელევიზიო მაუწყებლობაზე გადასვლის სახელმწიფო პოლიტიკის განხორციელების მიზნით, კომისიამ, ამავე კანონის მე-2 მუხლის მე-9 პუნქტის თანახმად, უნდა იხელმძღვანელოს „ანალოგური მიწისზედა საეთერო ტელემაუწყებლობიდან ციფრულ მიწისზედა სატელევიზიო მაუწყებლობაზე გადასვლის სამოქმედო გეგმის და შესაბამისი რეკომენდაციების თაობაზე“ საქართველოს მთავრობის 2014 წლის 10 თებერვლის №206 განკარგულებით მოწონებული სამოქმედო გეგმით.

საქართველოს მთავრობის 2014 წლის 10 თებერვლის №206 განკარგულებისა და „ელექტრონული კომუნიკაციების შესახებ“ საქართველოს კანონში ცვლილების შეტანის თაობაზე“ საქართველოს კანონის (ძალაში შევიდა 2014 წლის 27 თებერვალს, საერეგისტრაციო კოდი 320110000.05.001.017341) საფუძველზე კომისიამ 2014 წლის 28 ნოემბერს მიიღო №661/13 გადაწყვეტილება „ადგილობრივი ციფრული მიწისზედა სატელევიზიო ქსელების უზრუნველსაყოფად ადგილობრივი საეთერო ტელემაუწყებლებისათვის რადიოსიხშირული რესურსით სარგებლობის უფლების მინიჭების თაობაზე“.

2016 წლის 18 მაისს, საქართველოს მთავრობის №862 განკარგულებით მოწონებულ იქნა ანალოგური მიწისზედა საეთერო ტელემაუწყებლობიდან ციფრულ მიწისზედა სატელევიზიო მაუწყებლობაზე გადასვლის სამოქმედო გეგმა და შესაბამისი რეკომენდაციების II ეტაპი, რომლითაც, არსებული მდგომარეობისა და ადგილობრივი მაუწყებლების თხოვნის გათვალისწინებით, ადგილობრივ მაუწყებლებს/ადგილობრივ მაუწყებელთა გაერთიანებებს ადგილობრივი მიწისზედა სამაუწყებლო ქსელის/მულტიპლექსპლატფორმის სრულად ფორმირების ვადად განესაზღვრათ, საქართველოს მთავრობის მიერ 2014 წლის 10 თებერვლის №206 განკარგულებით მოწონებული სამოქმედო გეგმისა და კომისიის 2014 წლის 28 ნოემბრის №661/13 გადაწყვეტილებისაგან განსხვავებული ვადა, არაუგვიანეს 2017 წლის 1 მარტისა, ხოლო მოთხოვნის არსებობის შემთხვევაში, მულტიპლექსპლატფორმის სრულად ფორმირებისთვის და მულტიპლექსპლატფორმაში არსებულ თავისუფალ რესურსთან მსურველი (საქართველოს ფარგლებში ავტორიზებული) მაუწყებლების არადისკრიმინაციული დაშვებისათვის მოთხოვნიდან არაუგვიანეს 4 თვის ვადა.

ადგილობრივ მაუწყებლებს/ადგილობრივ მაუწყებელთა გაერთიანებებს განესაზღვრათ მათ მიერ ფორმირებული ადგილობრივი ციფრული მიწისზედა სამაუწყებლო ქსელის/მულტიპლექსპლატფორმის საშუალებით საკუთარი სამაუწყებლო კონტენტის გავრცელების ვალდებულება 2016 წლის 1 ივნისამდე. იმავედროულად, განისაზღვრა კომისიის უფლებამოსილება, საქართველოს მთავრობის 2016 წლის 18 მაისის №862 განკარგულებით მოწონებული ანალოგური მიწისზედა საეთერო ტელემაუწყებლობიდან ციფრულ მიწისზედა სატელევიზიო მაუწყებლობაზე გადასვლის სამოქმედო გეგმისა და შესაბამისი რეკომენდაციებით განსაზღვრული ვალდებულებების შეუსრულებლობის შემთხვევაში, გააუქმოს ადგილობრივი მაუწყებლისთვის, ხოლო ადგილობრივ მაუწყებელთა გაერთიანების შემთხვევაში ადგილობრივ მაუწყებელთა გაერთიანებისთვის ან/და ადგილობრივ მაუწყებელთა გაერთიანების იმ მაუწყებლისთვის, რომელიც ვერ ასრულებს ზემოაღნიშნული სამოქმედო გეგმისა და შესაბამისი რეკომენდაციების პირველი ნაწილით განსაზღვრულ ვალდებულებებს, რადიოსიხშირული რესურსით სარგებლობის უფლების მინიჭება. ადგილობრივ მაუწყებელთათვის საქართველოს მთავრობის 2016 წლის

18 მაისის №862 განკარგულებით დაწესებული ვალდებულებები აისახა კომისიის 2016 წლის 19 ივნისის №384/19 გადაწყვეტილებაშიც.

კომისია აგრეთვე აღნიშნავს, რომ 2016 წლის 22 აპრილის №6 წერილით შპს დამოუკიდებელმა სამაუწყებლო კომპანია „გურამი“ მიმართა კომისიას (კომისიაში რეგისტრაციის №შ-3860-16 25.04.16), სადაც აფიქსირებს, რომ გადამცემ სადგურზე სარემონტო სამუშაოების გამო დროებით შეაჩერა მაუწყებლობა. შპს დამოუკიდებელმა სამაუწყებლო კომპანია „გურამი“ 2016 წლის 10 ივნისს (კომისიაში რეგისტრაციის №შ-5378-16 10.06.16) კვლავ მიმართა კომისიას წერილით იმის თაობაზე, რომ იგი დროებით წყვეტს მაუწყებლობას და მაუწყებლობის განახლების შემთხვევაში დამატებით აცნობებს კომისიას. აღნიშნული ფაქტი მიუთითებს 2016 წლის 18 მაისს საქართველოს მთავრობის №862 განკარგულებით მოწონებული ანალოგური მიწისზედა საეთერო ტელემაუწყებლობიდან ციფრულ მიწისზედა სატელევიზიო მაუწყებლობაზე გადასვლის სამოქმედო გეგმის და შესაბამისი რეკომენდაციების II ეტაპის, ნაწილი 1-ის, პირველი პუნქტის გ) ქვეპუნქტით და კომისიის 2014 წლის 28 ნოემბრის №661/13 გადაწყვეტილებით განსაზღვრული ვალდებულებების შეუსრულებლობაზე, რაც დასტურდება კომისიის აპარატის რადიოსიხშირეთა მართვის და მაუწყებლობის რეგულირების დეპარტამენტებში დაცული ინფორმაციითაც.

ზემოაღნიშნულის გათვალისწინებით, კომისიას მიზანშეწონილად მიაჩნია „ადგილობრივი ციფრული მიწისზედა სატელევიზიო ქსელების უზრუნველსაყოფად ადგილობრივი საეთერო ტელემაუწყებლებისთვის რადიოსიხშირული რესურსით სარგებლობის უფლების მინიჭების თაობაზე“ საქართველოს კომუნიკაციების ეროვნული კომისიის 2014 წლის 28 ნოემბრის № 661/13 გადაწყვეტილებაში ცვლილებების შეტანა და ამავე გადაწყვეტილებით განსაზღვრული ადგილობრივი მაუწყებლების ნუსხიდან შპს დამოუკიდებელი სამაუწყებლო კომპანია „გურიის“ ამოღება.

საქართველოს ზოგადი ადმინისტრაციული კოდექსის 63-ე მუხლის შესაბამისად, კომისიამ კენჭისყრის შედეგად, ერთხმად

გადაწყვიტა:

1. „ადგილობრივი ციფრული მიწისზედა სატელევიზიო ქსელების უზრუნველსაყოფად ადგილობრივი საეთერო ტელემაუწყებლებისათვის რადიოსიხშირული რესურსით სარგებლობის უფლების მინიჭების თაობაზე“ საქართველოს კომუნიკაციების ეროვნული კომისიის 2014 წლის 28 ნოემბრის №661/13 გადაწყვეტილებაში შეტანილ იქნას შემდეგი ცვლილება:

ა) გადაწყვეტილების პირველი პუნქტი ჩამოყალიბდეს შემდეგი რედაქციით:

„1. მიენიჭოს შპს „ეკომს“, შპს ტელეკომპანია „გურჯაანს“, შპს ტელეკომპანია „თანამგზავრს“, შპს ტელე-რადიო კომპანია „თვალს“, სს „ქვემო ქართლის ტელერადიოკომპანიას“, შპს „ომეგას“, შპს ტელე-რადიო კომპანია „თრიალეთს“, შპს ტელეკომპანია „დიას“, შპს ტელე-რადიო კომპანია „ბორჯომს“, შპს სამაუწყებლო კომპანია „იმერვიზიას“, შპს ტელერადიო კორპორაცია „ინფორმკავშირი ტელევიზია არგოს“, შპს „იმპერიას“, შპს ტელერადიოკომპანია „რიონს“, შპს დამოუკიდებელი ტელეკომპანია „მეგა-ტვ-ს“, შპს ტელე-რადიო პრესკომპანია „ზარს“, ააიპ „მედია ცენტრს ღია აფხაზეთისათვის“, შპს დამოუკიდებელ ტელეკომპანია „ვგრისს“, შპს დამოუკიდებელ ტელერადიოკომპანია „ოდიშს“, შპს „ტელეარხ 25-ს“ და შპს სამაუწყებლო კომპანია „მეცხრე ტალღას“ რადიოსიხშირული რესურსით სარგებლობის უფლება ადგილობრივი ციფრული მიწისზედა სატელევიზიო ქსელების უზრუნველსაყოფად წინამდებარე გადაწყვეტილების მე-2 პუნქტით განსაზღვრული გეოგრაფიული კოორდინატებისა და ტექნიკური პარამეტრების გათვალისწინებით, 2015 წლის 17 ივნისიდან 10 წლის ვადით;“

ბ) გადაწყვეტილების მე-2 პუნქტი ჩამოყალიბდეს შემდეგი რედაქციით:

„2. წინამდებარე გადაწყვეტილების პირველ პუნქტში აღნიშნულ მაუწყებელთა მიერ ადგილობრივი ციფრული მიწისზედა სატელევიზიო ქსელების უზრუნველსაყოფად განისაზღვროს ძირითადი გადამცემი სადგურების განთავსების გეოგრაფიული კოორდინატები, შესაბამისი სიხშირული რესურსი და ტექნიკური პარამეტრები:

№	კომპანია	სადგურის სახელი	სადგურის მდებარეობის ადრესი	გეოგრაფიული კოორდინატები	ანტენის პარამეტრები	სიხშირული მახასიათებლები

	კომპანიის დასახელება				ჩრდილოეთ განედი (N)	აღმოსავლეთ გრძედი (E)	დაკედების სიმაღლე ±5 (M)	ბა (მიმართული/არამიმარ ბა)	პოლარიზაცია H/V	სატელევიზიო არხი	ცენტრალური სიხშირე (MHz)	ზოლის სიგანე (MHz)
1	შპს „ეკომი“	GEO2 61	ლაგოდე ხი	500	41°48'42. 59"	46°10'16. 80"	20	ND	H	7	186	8
2	შპს ტელეკომპანია „გურჯაანი“	GEO2 61	გურჯაან ი	500	41°45'10. 99"	45°48'39. 90"	45	ND	H	11	218	8
3	შპს ტელეკომპანია „თანამგზავრი“	GEO2 59	თელავი	500	41°54'36. 30"	45°28'6.5 0"	60	ND	H	10	210	8
4	შპს ტელე-რადიო კომპანია „თვალი“	GEO2 59	საგარეჯ ო	500	41°43'16. 69"	45°20'46. 00"	30	ND	H	6	178	8
5	სს „ქვემო ქართლის ტელერადიოკომპანია“	GEO2 59	რუსთავ ი	500	41°33'41. 80"	44°58'41. 10"	60	ND	H	10	210	8
		GEO2 59	მარნეუ ლი	500	41°29'31. 57"	44°47'17. 67"	30	ND	H	10	210	8
		GEO2 58	ბოლნის ი	500	41°25'32. 61"	44°32'22. 80"	30	ND	H	8	194	8
6	შპს „ომეგა“	GEO2 58	მანგლის ი	500	41°41'48.1 5"	44°24'58. 48"	30	ND	H	11	218	8
7	შპს ტელე-რადიო კომპანია „თრიალეთი“	GEO2 56	გორი	2300	42° 1'56.11"	44° 2'50.90"	50	ND	H	32	562	8
8	შპს ტელეკომპანია „დია“	GEO2 56	ხაშური	500	42° 1'14.01"	43°35'26. 00"	40	ND	H	11	218	8
9	შპს ტელე-რადიო კომპანია „ბორჯომი“	GEO2 56	ბორჯომ ი	500	41°49'26. 50"	43°23'0.5 0"	30	ND	H	8	194	8
10	შპს სამაუწყებლო კომპანია "იმერვიზია"	GEO2 53	ჭიათურ ა	500	42°17'16. 01"	43°15'39. 80"	80	ND	H	8	194	8
11	შპს ტელერადიო კორპორაცია „ინფორმკავშირი ტელევიზია არგო“,	GEO2 53	ზეესტაფ ონი	500	42° 7'6.30"	43°01'10, 77"	128	ND	H	12	226	8
12	შპს „იმპერია“	GEO2 55	ახალციხ ე	500	41°37'48. 41"	42°57'25. 00"	35	ND	H	6	178	8

13	შპს ტელერადიოკომპანია „რიონი“	GEO2 53	ქუთაისი	2300	42°16'48.89"	42°44'11.40"	115	ND	H	37	602	8
14	შპს დამოუკიდებელი ტელეკომპანია „მეგა-ტვ“	GEO2 53	ხონი	1900	42°19'27.00"	42°25'20.70"	65	ND	H	25	506	8
15	შპს ტელე-რადიო პრესკომპანია „ზარი“	GEO2 53	სამტრე დია	500	42°9'50.80"	42°20'33.90"	55	ND	H	6	178	8
16	ააიპ „მედია ცენტრი ღია აფხაზეთისათვის“	GEO2 53	ჩხოროწყე უ	500	42°31'13.99"	42°7'32.60"	40	ND	H	7	186	8
		GEO2 50	წალენჯიხა	500	42°36'59.99"	42°3'45.20"	25	ND	H	7	186	8
17	შპს დამოუკიდებელი ტელეკომპანია „ეგრისი“	GEO2 53	სენაკი	500	42°17'23.70"	42°3'27.80"	30	ND	H	11	218	8
18	შპს დამოუკიდებელი ტელერადიოკომპანია „ოდიში“	GEO2 50	ზუგდიდი	2300	42°30'27.09"	41°52'16.60"	48	ND	H	47	682	8
19	შპს „ტელეარხი 25“	GEO2 52	ბათუმი	500	41°41'37.61"	41°42'55.20"	30	ND	H	7	186	8
20	შპს სამაუწყებლო კომპანია „მეცხრე ტალღა“	GEO2 52	ფოთი	500	42°11'16.29"	41°42'3.00"	80	ND	H	9	202	8

შენიშვნა: ზემოაღნიშნული გადამცემი სადგურების განთავსება შესაძლებელია მითითებული კოორდინატების მიმართ 100მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება±5მ).“

- დაევალოს კომისიის ადმინისტრაციულ დეპარტამენტს (ი. ხარებავა) წინამდებარე გადაწყვეტილების ასლის ადგილობრივი მაუწყებლებისთვის გაგზავნის უზრუნველყოფა;
- გადაწყვეტილება ძალაში შედის კომისიის ოფიციალურ ვებ-გვერდზე (www.gncc.ge) გამოქვეყნებისთანავე;
- გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (ქ.თბილისი, დავით აღმაშენებლის ხეივანი მე-12 კმ., №6) ერთი თვის ვადაში;
- კონტროლი აღნიშნული გადაწყვეტილების შესრულებაზე დაევალოს კომისიის აპარატის მაუწყებლობის რეგულირების დეპარტამენტს (ი.მახარაძე), კომისიის აპარატის კონკურენციის ხელშეწყობის დეპარტამენტს (დ. გოგიჩაიშვილი) და კომისიის აპარატის რადიოსიხშირეთა მართვის დეპარტამენტს (ს. შავგულიძე).

კომისიის თავმჯდომარე
კომისიის წევრი
კომისიის წევრი

ვ. აბაშიძე
გ. ფრუიძე
მ. ქათამაძე